

## Лазарева субота

### Последование утрени для домашнего (келейного) совершения

#### Утренья

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас. **Ами́нь.**

**Сла́ва Тебе́, Бо́же наш, сла́ва Тебе́.**

**Царю́ Небе́сный, Уте́шителю, Ду́ше и́стины, И́же вездé сый и вся исполня́й, Сокро́вище благих и жи́зни Подáтелю, прииди́ и всели́ся в ны, и очисти ны от всякия сквэрны, и спаси́, Бла́же, ду́ши на́ша.**

**Святы́й Бо́же, Святы́й Кре́пкий, Святы́й Безсме́ртный, поми́луй нас.**

#### **Трижды**

**Сла́ва Отцу́, и Сы́ну, и Свято́му Ду́ху, и ны́не и прísно, и во ве́ки веко́в. Ами́нь.**

**Пресвята́я Трóице, поми́луй нас: Го́споди, очисти грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.**

**Го́споди, поми́луй. Трижды.**

**Сла́ва, и ны́не:**

**О́тче наш, И́же еси́ на Небесéх, да святится́ и́мя Твое́, да приидет Цáрствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставя́ем должникóм нашим; и не введи́ нас во искуше́ние, но избáви нас от лука́ваго.**

**Го́споди, поми́луй, 12.**

**Сла́ва, и ны́не:**

**Прииди́те, поклонимся Цареву нашему Богу.**

**Прииди́те, поклонимся Христу́, Цареву нашему, Богу.**

**Прииди́те, поклонимся и припаде́м Самому́ Христу́, Цареву и Богу нашему.**

#### **ШЕСТОПСАЛМИЕ**

**Сла́ва в вы́шних Бо́гу, и на земли́ мир, в челове́цех благоволе́ние. Трижды.**

**Го́споди, устне́ мой отвéрзеши, и уста́ моя́ возвестя́т хвалу́ Твою́. Дважды.**

#### **Псалом 3**

**Го́споди, что ся умно́жиша стужа́ющие ми́? Мнози востаю́т на мя, мнози глаго́лют души́ мое́й: несть спасе́ния ему́ в Бо́зе его́. Ты же, Го́споди, Засту́пник мой еси́, сла́ва моя́ и вознося́й главу́ мою́. Гла́сом моим ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Госпо́дь заступит мя. Не убою́ся от тем люде́й, о́крест напа́дающих на мя.**

Воскресні, Гóсподи, спасі мя, Бóже мой, я́ко Ты порази́л еси́ вся враждую́щия ми всу́е: зу́бы грéшников сокруши́л еси́. Господне есть спасéние, и на лю́дех Твои́х благословéние Твоé.

Аз усну́х, и спях, воста́х, я́ко Господь заступит мя.

### Псалом 37

Гóсподи, да не я́ростию Твоéю обличи́ши мене́, ниже́ гнéвом Твои́м нака́жеша мене́. Я́ко стрéлы Твоя́ унзо́ша во мене, и утверди́л еси́ на мене́ ру́ку Твою́. Несть исцелéния в плóти моéй от лица́ гнéва Твоегó, несть ми́ра в костéх мои́х от лица́ грех мои́х. Я́ко беззакóния моя́ превзыдо́ша главу́ мою́, я́ко брéмя тяжкое́ отяготéша на мене. Возсмердéша и согни́ша ра́ны моя́ от лица́ безумия́ моего́. Пострада́х и сляко́хся до конца́, весь день сéтуя хождáх. Я́ко лядвия́ моя́ напо́лнишася поругáний, и несть исцелéния в плóти моéй. Озло́блен бых и смири́хся до зела́, рыка́х от воздыхáния сёрдца́ моего́. Гóсподи, пред Тобо́ю все желáние моé и воздыхáние моé от Тебé не утайся. Сёрдце́ моé смятéся, оста́ви мя си́ла моя́, и свет óчию моéю, и той несть со мно́ю. Друзи́ мой и йскреннии́ мой пря́мо мне прибли́жишася и ста́ша, и бли́жнии́ мой отдалéче мене́ ста́ша и нужда́хуся йщущии́ ду́шу мою́, и йщущии́ злáя мне глаго́лаху сýетная́ и льсти́вным весь день поучáхуся. Аз же я́ко глух не слы́шах и я́ко нем не отверза́яй уст свои́х. И бых я́ко человек не слы́шай и не имы́й во устéх свои́х обличéния. Я́ко на Тя, Гóсподи, упова́х, Ты услы́шиши, Гóсподи Бóже мой. Я́ко рех: да не когда́ порáдуют ми ся врази́ мой: и внегда́ подвижа́тиса нога́м мои́м, на мя велерече́ваша. Я́ко аз на ра́ны гото́в, и болéзнь моя́ предо мно́ю есть вы́ну. Я́ко беззакóние моé аз возвещу́ и попеку́ся о гресé моéм. Врази́ же мой живу́т и укрепи́шася пáче мене́, и умно́жишася ненавидя́щии мя без прáвды. Воздаю́щии ми злáя возблагáя оболга́ху мя, занé гоня́х благосты́ню. Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасéния моего́.

Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасéния моего́.

### Псалом 62

Бóже, Бóже мой, к Тебé ўтреннюю́, возжада́ Тебé душа́ моя́, коль мно́жицею Тебé плоть моя́, в землі́ пу́сте и непроходне́, и безводне́. Та́ко во святéм яви́хся Тебé, видети́ си́лу Твою́ и сла́ву Твою́. Я́ко лучши́ мило́сть Твоя́ пáче живóт, устне́ мой похвалите́ Тя. Та́ко благословлю́ Тя в животé моéм, о ймени́ Твоéм воздежу́ ру́це мой. Я́ко от ту́ка и ма́сти да испóлнится душа́ моя́, и устна́ма радóсти восхва́лят Тя уста́ моя́. А́ще помина́х Тя на постéли моéй, на ўтренних поучáхся в Тя. Я́ко был еси́ Помóщник мой, и в кро́ве крилу́ Твоéю возра́дуюся. Прильпе́ душа́ моя́ по Тебé, мене́ же прия́т десни́ца Твоя́. Тии́ же всу́е иска́ша

дúшу мою, вни́дут в преиспóдня земл́и, преда́ются в рúки ору́жия, ча́сти ли́совом бúдут. Царь же возвеселится о Бóже, похва́лится всяк кленыйся Им, я́ко заградíшася уста́ глаголющих непра́ведная.

На úтренних поуча́хся в Тя. Я́ко был еси́ Помóщник мой, и в крóве крилу́ Твоею возра́дуюся. Прильпе́ душа́ моя́ по Тебе́, мене́ же прият десни́ца Твоя́.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́ Бóже. Трижды, без поклонов.

Гóсподи помíлуй. Трижды.

Сла́ва, и ны́не:

### Псалом 87

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклони́ úхо Твое́ к молéнию моему́, я́ко испóлнися зол душа́ моя́, и живóт мой аду прибли́жися. Привменéн бых с низходя́щими в ров, бых я́ко человек без по́мощи, в мёртвых свобóдь, я́ко я́звеннии спя́щии во грóбе, ихже не помяну́л еси́ ктому́, и тии от рукí Твоея́ отринóвени бы́ша. Положи́ша мя в ро́ве преиспóднем, в тёмных и сéни смёртней. На мне утверди́ся я́рость Твоя́, и вся во́лны Твоя́ навёл еси́ на мя. Удалил еси́ зна́емых моих от мене́, положи́ша мя мёрзость себе́: прéдан бых и не исхожда́х. Óчи мои́ изнемогóсте от нищеты́, воззва́х к Тебе́, Гóсподи, весь день, воздéх к Тебе́ рúце мои́. Еда́ мёртвыми твори́ши чудеса́? Или́ вра́чеве воскреся́т, и исповéдятся Тебе́? Еда́ пове́сть кто во грóбе ми́лость Твою́, и и́стину Твою́ в погíбели? Еда́ познána бúдут во тьме чудеса́ Твоя́, и пра́вда Твоя́ в земл́и забвённой? И аз к Тебе́, Гóсподи, воззва́х и úтро моли́тва моя́ предварит Тя. Вскúю, Гóсподи, отрéеши дúшу мою́, отвраща́еши лице́ Твое́ от мене́? Нищ есмь аз, и в трудéх от ю́ности моя́; вознес же ся, смири́хся, и изнемогóх. На мне преидóша гнёви Твои́, устрашéния Твоя́ возмутíша мя, обыдо́ша мя я́ко вода́, весь день одержа́ша мя вку́пе. Удалил еси́ от мене́ дру́га и и́скренняго, и зна́емых моих от страстéй.

Гóсподи Бóже спасéния моего́, во дни воззва́х, и в но́щи пред Тобóю. Да вни́дет пред Тя моли́тва моя́: приклони́ úхо Твое́ к молéнию моему́.

### Псалом 102

Благослови́, душе́ моя́, Гóспода, и вся вну́тренняя моя́ и́мя свя́тое Егó. Благослови́, душе́ моя́, Гóспода, и не забыва́й всех воздая́ний Егó, очища́ющаго вся беззакóния твоя́, исцеля́ющаго вся недúги твоя́, избавля́ющаго от ислéния живóт твой, венча́ющаго тя ми́лостью и щедрóтами, исполня́ющаго во благíх желáние твое́: обновится́ я́ко óрля ю́ность твоя́. Твори́й ми́лостыни Господь, и судьбу́ всем обидимым. Сказа́

пути Своя Моисеови, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедрит Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящие слово Его, услышати глас словес Его. Благословите Господа вся Силы Его, слуги Его, творящие волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

### Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящым в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне:

Аллилуиа, аллилуиа, аллилуиа, слава Тебе Боже. Трижды

Господи, помилуй. 12 раз

Сла́ва, и ны́не:

**БОГ ГОСПО́ДЬ И ТРОПАРИ́**

**Глас 1:**

**Бог Господь** и яви́ся нам, благословен Гряды́й во и́мя Господне.

**Стих:** Испове́дайтесь Го́сподеви, я́ко благ, я́ко в век ми́лость Его́.

**Стих:** Обыше́дше обыдо́ша мя и и́менем Господним противля́хся им.

**Стих:** Не умру́, но жив бу́ду и пове́м дела́ Господня.

**Стих:** Ка́мень, Его́же небрего́ша зи́ждущии, Сей бысть во главу́ угла, от Го́спода бысть Сей и есть дивен во очесе́х на́ших.

тропарь, глас 1:

Обще́е воскресе́ние / прэ́жде Твоея́ Стра́сти уверя́я, / из ме́ртвых воздвигл еси́ Ла́заря, Христэ́ Бо́же. / Те́мже и мы, я́ко о́троцы победы́ зна́мения нося́ще, / Тебе́ победите́лю сме́рти вопие́м: / осанна в вы́шних, / благословен Гряды́й во и́мя Господне. [Трижды.]

Здесь по уставу читается 16 кафизма

**По 1-м стихословию седален, глас 1:**

**Подобен:** Ка́мени запеча́тану:

Уще́дрив Ма́рфины и Мари́ины слезы́, / отвали́ти ка́мень от гроба́ повелел еси́, Христэ́ Бо́же, / воскресил еси́ возгласив ме́ртваго, ми́ра Жизнода́вче, / Собо́ю уверя́я воскресе́ние. / Сла́ва си́ле Твое́й, Спа́се, / сла́ва вла́сти Твое́й, / сла́ва сло́вом вся Соста́вившему.

**Таже стихословим Непорочны. Имеется ввиду 17 кафизма.**

**И поем тропари воскресны:**

**Благословен еси́, Го́споди, научи́ мя оправда́нием Твои́м.**

А́нгельский собо́р удиви́ся, / зря́ Тебе́ в ме́ртвых вмени́вшася, / сме́ртную же, Спа́се, кре́пость разори́вша, / и с Собо́ю Ада́ма воздвигша, / и от а́да вся свобо́ждша.

**Благословен еси́, Го́споди, научи́ мя оправда́нием Твои́м.**

Почто́ ми́ра с ми́лостивными слеза́ми, / о учени́цы, растворя́ете? / Блиста́йся во гробе́ А́нгел мирно́сицам веща́ше: / ви́дите вы гроб и уразуме́йте, / Спас бо́ воскресе́ от гроба́.

**Благословен еси́, Го́споди, научи́ мя оправда́нием Твои́м.**

Зело́ ра́но мирно́сицы теча́ху / ко гробу́ Твоему́ рыда́ющая, / но предста́ к ним А́нгел и рече́: / рыда́ния вре́мя преста́, не пла́чите, / воскресе́ние же апо́столом рцы́те.

**Благословѣн еси́, Го́споди, научи́ мя оправда́нием Твои́м.**

**Мирно́сицы** жены́ с ми́ры прише́дшия / ко грóбу Твоему́, Спа́се, рыда́ху,  
/ А́нгел же к ним рече́, глаго́ля: / что с ме́ртвыми жива́го помышля́ете? / Я́ко  
Бог бо, воскресе́ от грóба.

**Сла́ва:** Покло́нимся Отцу́ / и Его́ Сы́нови, и Свято́му Ду́ху, / Святе́й  
Тро́ице во еди́ном существе́, / с Серафи́мы зову́ще: / Свят, Свят, Свят еси́,  
Го́споди.

**И ны́не:** Жизнода́вца ро́ждши, / греха́, Де́во, Ада́ма изба́вила еси́, /  
радо́сть же Е́ве / в печа́ли ме́сто подала́ еси́, / па́дшия же от жи́зни / к сей  
напра́ви / из Тебе́ воплотивыйся Бог и Чело́век.

**Аллилу́иа, аллилу́иа, аллилу́иа, сла́ва Тебе́, Бо́же. Трижды.**

**Потом седален, глас 5.**

**Подобен:** Собезнача́льное Сло́во:

**Исто́чник** премудро́сти и предвѣдения во Вифа́нию прише́д, / с Ма́рфою  
су́щих вопроша́л еси́: / где положи́те, рек, дру́га, Ла́заря? / Его́же ра́ди  
прослезив Благоутро́бне, / четверодне́вна ме́ртва воскреси́л еси́ гласом Твои́м  
/ Чело́веколю́бче и Ще́дрый, / я́ко Жизнода́вец и Госпо́дь.

**Сла́ва, и ны́не, тойже.**

**Таже глаголем:** Воскресе́ние Христо́во ви́девше, / покло́нимся Свято́му  
Го́споду Иису́су, / еди́ному безгре́шному. / Кресту́ Твоему́ покланя́емся,  
Христе́, / и свято́е Воскресе́ние Твое́ поём и сла́вим: / Ты бо еси́ Бог наш, /  
ра́зве Тебе́ ино́го не зна́ем, / и́мя Твое́ имену́ем. / Прииди́те вси ве́рнии, /  
покло́нимся Свято́му Христо́ву Воскресе́нию: / се бо прииде крестомъ радо́сть  
всему́ ми́ру. / Всегда́ благословя́ще Го́спода, / поём Воскресе́ние Его́: /  
распя́тие бо претерпе́в, / сме́ртию сме́рть разруши́.

Псалом 50

**Канона два, до шестыя песни, творение господина Феофана, отонудуже  
начинаем четверопеснец. Первый канон со ирмосом на 8, другой на 6, глас 8.**

**Песнь 1.**

**Ирмос:** Пои́м Го́сподеви, / провѣдшему лю́ди Сво́я сквозе́ Чермно́е мо́ре,  
/ я́ко еди́н сла́вно просла́вился.

**Сла́ва Тебе́ Бо́же наш, сла́ва Тебе́.**

**Ла́заря** умершаго, / ма́нием Божѣственнымъ воскреси́л еси́, / я́ко Созда́тель  
сый, / и живота́ сокрови́ще, Чело́веколю́бче.

**Сла́ва Тебе́ Бо́же наш, сла́ва Тебе́.**

Сло́вом четверодне́внаго Ла́заря / возгласи́л еси́, Безсме́ртне, / темнообра́зное а́дово разруши́в крѣпостию ца́рство.

Сла́ва Тебе́ Бо́же на́ш, сла́ва Тебе́.

Всем пребоже́ственнаго позна́ние Божества́ показáл еси́, / из ме́ртвых возста́вив / четверодне́внаго Ла́заря, Влады́ко.

Сла́ва Тебе́ Бо́же на́ш, сла́ва Тебе́.

Дне́сь Вифа́ния предвозвеща́ет / Воскресе́ние Христа́ Жизнода́вца, / воста́нием Ла́заревым ликовству́ющи.

**Другий канон,  
творение Иоанна монаха, глас 8.**

**Ирмос:** Во́ду проше́д:

Сла́ва Тебе́ Бо́же на́ш, сла́ва Тебе́.

Пре́жде от не су́щих привѣд вся́ческую тварь, / и ве́дый серде́чная сокрови́ща / предглаго́леши я́ко Влады́ка ученико́м Ла́зареву успе́ние.

Сла́ва Тебе́ Бо́же на́ш, сла́ва Тебе́.

Челове́ка естество́м осуществова́выйся, Христе́, от Де́вы, / Ла́зареву Ты погребѣ́ние навы́кнути вопроша́л еси́, я́ко Челове́к, / не неве́дый, я́ко Бог, иде́же лежа́ше.

**Слава** Отцу и Сыну и Святому Духу

Уверя́я, Сло́ве, Твое́ Воскресе́ние, / вои́стинну я́ко от сна, любима́го воскреси́л еси́ уже́ смердя́ща, / четверодне́вна мертвеца́ от гроба́.

**И ныне**, и присно и во веки векоа. Аминь

Чи́ни Тя а́нгел и челове́к, безневѣ́стная Ма́ти, хва́лят непреста́нно, / Созда́теля бо сих я́коже Младѣ́нца, / во объ́ятиих Твои́х носи́ла еси́.

**Катавасия:** Во́ду проше́д я́ко су́шу, / и египетскаго зла избежа́в, / израи́льтянин вопия́ше: / Изба́вителю и Бо́гу на́шему по́йм.

**Песнь 3.**

**Ирмос:** Ты еси́ утвержде́ние / притека́ющих к Тебе́, Го́споди, / Ты еси́ свет омраче́нных, / и поёт Тя дух мой.

Сла́ва Тебе́ Бо́же на́ш, сла́ва Тебе́.

Два предлага́я де́йства Твоя́, / показáл еси́ суше́ств, Спа́се, сугубство: / Бог бо еси́ и Челове́к.

Сла́ва Тебе́ Бо́же на́ш, сла́ва Тебе́.

Бѣздна сый ра́зума, Ты вопроша́еши: / где положи́ся ме́ртвый; / хотя́ воскресити, Животода́вче, лежа́щаго.

Сла́ва Тебе́ Бо́же на́ш, сла́ва Тебе́.

Ме́ста преходя́й, я́ко быв Че́ловек, / яви́лся еси́ опи́сан, / исполня́я  
всѣ́ческая, я́ко Бог неопи́санный.

Сла́ва Тебе́ Бо́же на́ш, сла́ва Тебе́.

Ла́заря воздви́гл еси́ / Боже́ственным, Христе́, глаго́лом, / и мене́ мно́гими  
прегреше́ньми умер́ша / возста́ви, молю́ся.

**Иный.**

**Ирмос:** Небе́снаго кру́га:

Сла́ва Тебе́ Бо́же на́ш, сла́ва Тебе́.

Предста́в Ты грóбу чудотво́рче, Го́споди, / в Вифа́нии над Ла́зарем  
прослезился еси́, зако́ном естества́, / плоть Твою́ уверя́я, Иису́се Бо́же мой, /  
ю́же восприя́л еси́.

Сла́ва Тебе́ Бо́же на́ш, сла́ва Тебе́.

Ма́риин плач Ты а́бие утоли́л еси́, Спа́се, / и Ма́рфе показу́я самовла́стное.  
/ Ты бо воскресе́ние, Ты и живо́т, я́коже рекл еси́: / и́стина бо еси́ и всех  
Госпо́дь.

**Слава** Отцу́ и Сыну́ и Свято́му Духу́

Обви́таго укро́йми любима́го Ла́заря, Го́споди, / от а́да те́много исхи́тил  
еси́ Ты, / сло́вом Твои́м всемо́щным / сме́рти разве́рг закле́пы же и ца́рствия.

**И ныне,** и присно и во веки векоа. Аминь

Всели́лся еси́ в Де́ву плóтски, Го́споди, / яви́лся еси́ челове́ком, я́коже  
леть бе ви́дену Тебе́ бы́ти, / Ю́же и показáл еси́ я́ко и́стинную Богоро́дицу, и  
ве́рных помо́щницу, / еди́не Человеколю́бче.

**Катавасия:** Небе́снаго кру́га Верхотво́рче, Го́споди, / и Це́ркве  
Жиждите́лю, / Ты мене́ утверди́ в любви́ Твое́й, / желáний кра́ю, ве́рных  
утвержде́ние, / Еди́не Человеколю́бче.

Господи помилуй. Трижды

**Седален, глас 4.**

**Подобен:** Удивися Ио́сиф:

Вку́пе предста́сте Христу́ Ла́зареве сестре́, / и слезя́ще го́рце, и пла́чуще  
его́, ре́ша Ему́: / Го́споди, у́мре Ла́зарь. / Он же я́ко Бог не неве́дый погребáния,  
/ вопроша́ше я́ко Че́ловек: / где положи́сте его́? / И присту́пив ко грóбу,  
возглаша́ше четверодне́внаго Ла́заря. / Он же а́бие воста́, / и покланя́шеся  
Воскресив́шему.

**Слава, и ныне, глас 8.**

**Подобен:** Премудрости:

Проведый всяческая, яко Творец, / в Вифании прорекл еси учеником  
Твоим: друг наш Лазарь успе днесь. / И ведый вопрошил еси, рекл: где  
положите его? / И Отцу помолился еси, прослезився, яко Человек, / темже и  
возгласив, егоже любил еси, / от ада возставил еси, Господи, четверодневнаго  
Лазаря. / Сего ради вопием Тебе: / прими, Христе Боже, дерзающих  
приносить хваление Тебе, / и сподоби всех славы Твоея.

**Песнь 4.**

**Ирмос:** Услышах, Господи, / смотрения Твоего таинство, / разумех дела  
Твоя, / и прославих Твое Божество.

Слава Тебе Боже наш, слава Тебе.

Не пособника требуяй, / но смотрения совершаяй неизреченное, / моляся  
возставил еси мертва, / четверодневнаго, Всесильне.

Слава Тебе Боже наш, слава Тебе.

Отцу соприсносущное Слово, / и Бог прежде зримый, / ныне яко Человек  
молится, / молитвы всех Приемляй.

Слава Тебе Боже наш, слава Тебе.

Глас Твой разруши, Спасе, смертную всю силу, / основания же ада /  
Божественною Твоею силою поколебашася.

**Пресвятая** Богородице спаси нас

**Богородичен:** Деву воспойм, яко по рождестве Деву пребывшую, / и  
рождшую Христа Бога, / от прелести мир избавльшаго.

**Иный.**

**Ирмос:** Ты моя крепость Господи:

Слава Тебе Боже наш, слава Тебе.

Ты, яко пастырь, исхитил еси, Христе, человека, / растлѣвша уже  
четверодневна, Зиждителя, / от волка лютаго войстинну и всеядца, / яко  
всесилен же и Господь, / сим проявляя всемирную славу, / Твоего ныне  
тридневнаго востания.

Слава Тебе Боже наш, слава Тебе.

Тя жизнь видяще сущи с Марфою, Христе, вопияху: / аще бы был еси  
зде, Господи, просвещение всех и жизнь, / отнюд не бы умерл, мертв не явился  
бы Лазарь. / Жизнь же умерших, Ты Человеколюбче сый, / в радость плач их  
предлагаеши.

**Слава** Отцу и Сыну и Святому Духу

Тя исто́чника боя́тся, Го́споди, бе́здны, / Тебе́ рабо́тают во́ды вся́ческия,  
/ Тебе́ трепещу́т, Христе́, вереи́ а́довы, / и закле́пы держа́вою Твое́ю  
разруша́ются, / Ла́зарю воскресе́шу из ме́ртвых гла́сом Твои́м, / всеси́льне  
Спасе́ Человеколю́бче.

**И ныне**, и присно и во веки векоа. Аминь

Ты ве́рным похва́ла еси́, Безневе́стная, Ты предста́тельство, / Ты и  
прибе́жище христиа́ном, стена́ и приста́нище, / к Сы́ну бо Твоему́ моле́ния  
принóсиши, Всенепоро́чная, и спаса́еши от бед, / ве́рою и любóвию  
Богоро́дицу Чи́стую Тя ве́дущия.

**Катавасия:** Ты моя́ крѣпость, Го́споди, / Ты моя́ и си́ла, / Ты мой Бог, Ты  
моё ра́дование, / не оста́вь не́дра О́тца / и на́шу нищету́ посетив. / Тем с  
проро́ком Авваку́мом зову́ Ти: / си́ле Твое́й сла́ва, Человеколю́бче.

### Песнь 5.

**Ирмос:** Вску́ю мя отрину́л еси́:

Сла́ва Тебе́ Бо́же на́ш, сла́ва Тебе́.

Предста́в Ла́зареву грóбу, Человеколю́бче, / сего́ призва́л еси́ и жизнь  
по́дал еси́, / я́ко жизнь сый безсме́ртная челове́ком всем, / я́ко Бог бу́дущее  
прообра́зюя я́ве воскресе́ние.

Сла́ва Тебе́ Бо́же на́ш, сла́ва Тебе́.

Свя́зан нога́ма Ла́зарь хождáше, чу́до в чудесе́х, / ибо́ бо́лий я́вися  
возбра́няющаго укрепля́й и Хри́стос, / Егóже сло́ву вся раболе́пно служат, /  
я́ко Бо́гу и Влады́це рабо́тающа.

Сла́ва Тебе́ Бо́же на́ш, сла́ва Тебе́.

Ме́ртва сме́рдяща Ла́заря воздви́гнувый, Христе́, четверо́днёвна, /  
возста́ви мя, умерша ны́не грехи́ мои́ми, / и положена́ в ро́ве и те́мней се́ни  
сме́ртней, / и я́ко благоутро́бен изба́ви и спаси́ мя.

**Иный, ирмос тойже.**

Сла́ва Тебе́ Бо́же на́ш, сла́ва Тебе́.

Отцу́ сла́ву пода́я, / я́ко не богопроти́вный был еси́ моля́ся, / предстоя́щий  
уверя́я наро́д, Долготерпели́ве, / и благодарѣ́ние Твоему́ Отцу́ прино́ся, /  
повеле́нием воздвига́еши Ла́заря.

Сла́ва Тебе́ Бо́же на́ш, сла́ва Тебе́.

О гла́са Боговещáннаго и Божѣ́ственныя си́лы, Спасе́ держа́вы Твоея́! /  
Е́юже а́дова врата́ всеядныя сме́рти сокруши́л еси́, / но исхити́ мя от страсте́й  
мои́х, / я́коже пре́жде четверо́днёвна Твоего́ дру́га Ла́заря.

**Слава** Отцу и Сыну и Святому Духу

Моли́твами Ла́заря, Ма́рфы же и Мари́и, / нас сподо́би зрите́лей бы́ти  
Креста́ и страсте́й Твои́х, Го́споди, / и светоно́сицы дней и ца́рицы  
Воскресе́ния Твоего́, Человеколю́бче.

**И ны́не**, и присно и во веки векоа. Аминь

Ма́тернее дерзнове́ние к Сы́ну Твоему́ иму́щи Пречи́стая, / сроднаго  
промышле́ния о нас не прэ́зри, мо́лимся, / я́ко Тя еди́ну христиа́не ко Влады́це  
/ умилостивле́ние благоприя́тное предлага́ем.

**Катавасия:** Вску́ю мя отрину́л еси́ / от лица́ Твоего́, Све́те Незаходи́мый, /  
и покрýла мя е́сть чужда́я тьма, ока́янного, / но обрати́ мя / и к све́ту за́поведей  
Твои́х / пу́ти моя́ напра́ви, молю́ся.

**Отселе начинается четверопеснец господина Космы. Ирмосы по  
дважды, тропари на 12.**

### **Песнь 6.**

**Ирмос:** Ио́ну в ките, Го́споди, / еди́наго всели́л еси́, / мене́ же, связа́ннаго  
мре́жами вра́жиями, / я́ко от тли о́наго, спаси́.

Сла́ва Тебе́ Бо́же на́ш, сла́ва Тебе́.

Любо́вь Тебе́ в Вифа́нию, Го́споди, отведе́ к Ла́зарю, / и сего́ уже́  
смердя́ща воскреси́л еси́ я́ко Бог, / и от уз а́довых спасл еси́.

Сла́ва Тебе́ Бо́же на́ш, сла́ва Тебе́.

Ма́рфа у́бо отча́яшеся Ла́заря, я́ко ви́де четверодне́вна, / Христос́ же  
истле́вшего воскреси́ я́ко Бог, / и к жи́зни преста́ви глаго́лом.

**Иный, Иоанна монаха, глас тойже.**

**Ирмос:** Очи́сти мя, Спа́се:

Сла́ва Тебе́ Бо́же на́ш, сла́ва Тебе́.

Бог сый и́стинный, Ла́зареву ве́дал еси́ успе́ние, / и си́е учени́ком Твои́м  
провозвести́л еси́, / уверя́я, Влады́ко, Божества́ Своего́ неопреде́льное де́йство.

Сла́ва Тебе́ Бо́же на́ш, сла́ва Тебе́.

Пло́тию опи́сан сый Неопи́санный, в Вифа́нию прише́д, / я́ко Чело́век  
Влады́ко слези́ши над Ла́зарем, / я́ко Бог же хотя́ воскреша́еши  
четверодне́внаго.

**Катавасия:** Очи́сти мя, Спа́се, / мно́га бо беззакóния моя́, / и из глубины́  
зол возведи́, молю́ся, / к Тебе́ бо возопи́х, / и услы́ши мя, / Бо́же спасе́ния  
моего́.

Господи помилуй. Трижды

## Кондак, глас 2.

**Подобен:** Вы́шних ища́:

Всех ра́дость Христос, / Истина, Свет, Живот и мира Воскресе́ние, / су́щим на земли явися Своёю благода́тию, / и бысть образ Воскресе́ния, / всем пода́ Божественное оставле́ние.

**Икос:** Ученико́м Создатель всех предвеща́, глаго́ля: / бра́тия и зна́емии, наш друг успе́, / сими предглаго́ля и уча́, яко вся ве́си, яко Создатель всех. / Идем у́бо, и увидим странное погребё́ние, / и рыда́ние Мари́ино, и Лаза́рев гроб у́зрим, / та́мо бо хо́щу чудодо́йствовати, / соверша́я Креста́ предначина́ние, / и всем пода́ Божественное оставле́ние.

## Песнь 7.

**Ирмос:** О́троцы евре́йстии в пещи́ / попра́ша пла́мень дерзнове́нно, / и на ро́су огонь преложи́ша, вопи́юще: / благослове́н еси́ Го́споди Бо́же во ве́ки.

Сла́ва Тебе́ Бо́же наш, сла́ва Тебе́.

Прослезився́ яко челове́к, Ще́дре, / воскресил еси́ яко Бог су́щаго во гробе́, / и разре́шся от а́да Лаза́рь взыва́ше: / благослове́н еси́ Го́споди Бо́же во ве́ки.

Сла́ва Тебе́ Бо́же наш, сла́ва Тебе́.

Изы́де повойми́ обвяза́н, / про́пасти а́да же и тьмы у́бег Влады́чним сло́вом, Лаза́рь взыва́я: / благослове́н еси́ Го́споди Бо́же во ве́ки.

## Иный.

**Ирмос:** От Иуде́и доше́дше:

Сла́ва Тебе́ Бо́же наш, сла́ва Тебе́.

Над дру́гом прослезився́, Ма́рфины, Ще́дре, слёзы утоли́л еси́, / и стра́стию во́льною отъя́л еси́ от лица́ люде́й Твои́х всякую слезу́. / Оте́ц на́ших Бо́же, благослове́н еси́.

**Слава** Отцу́ и Сыну́ и Святому́ Духу

Живота́ сокрови́ще, ме́ртваго яко́ от сна, Спа́се, воздви́гл еси́, / и сло́вом а́дову утробу́ расто́ргнув, воскресил еси́ пою́ща: / оте́ц на́ших Бо́же, благослове́н еси́.

**И ныне,** и присно и во веки векоа. Аминь

Мертвеца́ смердя́ща, связа́на повойми́, Влады́ко, воздви́гнул еси́, / и мене́ связа́наго плени́цами прегреше́ний, возста́ви пою́ща: / оте́ц на́ших Бо́же, благослове́н еси́.

**Катавасия:** От Иуде́и доше́дше, о́троцы / в Вавило́не иногда́ / ве́рою Трои́ческою пла́мень пещный попра́ша, пою́ще: / отце́в Бо́же, благослове́н еси́.

## Песнь 8.

**Ирмос:** Мусикійским орга́ном согласу́ющим, / и лю́дем безчи́сленным, покланя́ющимся о́бразу в Де́йре, / три о́троцы не повину́вшеся, / Го́спода воспева́ху, / и славосло́вляху во вся ве́ки.

Сла́ва Тебе́ Бо́же на́ш, сла́ва Тебе́.

Я́ко Па́стырь а́гнца взыска́л еси́, / от во́лка лю́таго губи́теля восхитив, / растле́вша обнови́л еси́, пою́ща Тебе́: / по́йте и превозно́сите во вся ве́ки.

Сла́ва Тебе́ Бо́же на́ш, сла́ва Тебе́.

Я́ко Чело́век гроба́ взыска́л еси́, / ме́ртваго я́ко Соде́тель воскреси́л еси́, / повеле́нием Твои́м Влады́чним, Его́же ад ужасе́ся, / вопию́ща Тебе́: по́йте и превозно́сите во вся ве́ки.

## Иный.

**Ирмос:** Царя́ Небе́снаго:

Сла́ва Тебе́ Бо́же на́ш, сла́ва Тебе́.

Вопроша́еши у́бо я́ко Чело́век, / я́ко Бог же воскреша́еши сло́вом четверо́днёвнаго. / Те́мже Тя поём и превозно́сим во вся ве́ки.

Сла́ва Тебе́ Бо́же на́ш, сла́ва Тебе́.

Тебе́ благо́разумно Влады́ко, я́коже до́льное / Ма́рию приноша́ет ми́ро, / воспева́ющи во вся ве́ки.

Благословим Отца́ и Сына, и Свято́го Духа, Го́спода, и ны́не и присно и во веки веков. Ами́нь

Призыва́еши у́бо я́ко Чело́век Отца́, / я́ко Бог же Ла́заря воздви́жаеши. / Те́мже Тя поём Христе́ во ве́ки.

**Хва́лим, благослови́м, покланя́емся Го́сподеви, пою́ще и превозно́сяще во вся ве́ки.**

**Катавасия:** Царя́ Небе́снаго, / Его́же пою́т во́и А́нгельстии, / хвали́те и превозно́сите во вся ве́ки.

**Честнейшая не стихословится.**

## Песнь 9.

**Ирмос:** Чи́стую сла́вно почти́м, лю́дие, Богоро́дицу, / огонь Бо́жества́ прии́мшую во чре́ве неопально, / пе́снями велича́ем.

Сла́ва Тебе́ Бо́же на́ш, сла́ва Тебе́.

Лю́дие ви́девше ходя́ща мертвеца́ четверо́днёвна, / удиви́вшеся чудеси́, вопия́ху Изба́вителю, / Бо́га Тя в пе́снях велича́юще.

Сла́ва Тебе́ Бо́же на́ш, сла́ва Тебе́.

Предуверяя сла́вное воста́ние Твое́, о Спа́се мой, / ме́ртва четверодне́вна,  
из а́да свобожда́еши Ла́заря, / пе́сньми Тя велича́юща.

**Иный.**

**Ирмос:** Вои́стинну Богоро́дицу:

Сла́ва Тебе́ Бо́же на́ш, сла́ва Тебе́.

Почита́я Твоего́ Отца́, и показу́я, я́ко не богопроти́вен еси́, / моли́тву  
де́еши, Христе́, / самовла́стно воздвиг четверодне́внаго.

Сла́ва Тебе́ Бо́же на́ш, сла́ва Тебе́.

Из гроба́ четверодне́внаго Ла́заря воздвиза́еши, / тридне́внаго, Христе́,  
Твоего́ воста́ния, / всеи́стиннаго всем показу́я сведете́ля.

**Слава** Отцу́ и Сыну́ и Святому́ Духу

Хо́диши, и слези́ши, веща́еши же, Спа́се мой, / челове́ческое показу́я Твое́  
де́йство, / Божество́нное же явля́я, воздвиза́еши Ла́заря.

**И ныне,** и присно и во веки векоа. Аминь

Содéял еси́ неизрече́нно, Влады́ко Спа́се мой, / по обою́ двою́ Твоею́  
естеству́, / самовла́стною во́лею спасе́ние моё.

**Катавасия:** Вои́стинну Богоро́дицу, / Тя испове́дуем, / спасе́ннии Тобо́ю,  
Де́во Чи́стая, / с Безплóтными ли́ки Тя велича́юще.

**Таже на глас 1:** Свят Госпо́дь Бог наш. **Трижды.**

**Ексапостилярий самогласен, дважды.**

Сло́вом Твои́м, Сло́ве Бо́жий, / Ла́зарь ны́не возска́чет к жити́ю па́ки  
потék, / и с ветвьми лю́дие Тя держа́вне почита́ют, / я́ко в конéц погуби́ши ад  
сме́ртию Твоею́.

**Слава, и ныне, ин. Подобен, единожды:**

Ла́зарем тя Христо́с уже́ разруша́ет, сме́рте, / и где твоя́ а́де побе́да? /  
Вифа́нии плач ны́не на тебе́ преста́вляется, / вси ветви́ побе́ды Тому́ принесём.

**На хвалитех поставим стихов 8, и поем стихиры самогласны, глас 1.**

**ХВАЛИ́ТНЫ ГЛАС 1**

Вся́кое дыха́ние да хва́лит Го́спода. / Хвалите́ Го́спода с небéс, / хвалите́  
Его́ в вы́шних. / Тебе́ подоба́ет песнь Бо́гу. / Хвалите́ Его́, вси А́нгели Его́, /  
хвалите́ Его́, вся Си́лы Его́. / Тебе́ подоба́ет песнь Бо́гу.

**Стих:** Сотвори́ти в них суд напи́сан. / Сла́ва сия́ бу́дет всем  
преподóбным Его́.

Воскресе́ние и жизнь челове́ком сый Христе́, / грóбу Ла́зареву предста́л еси́, / уверя́я нам два существа́ Твоя́, Долготерпели́ве, / яко Бог и Челове́к / от Чисты́я Де́вы пришёл еси́. / Якоже бо Челове́к вопроша́л еси́: где погребё́ся? / И якоже Бог воскресил еси́ / живино́сным манове́нием четверодне́внаго.

**Стих: Хвалите́ Бо́га во святы́х Его́, / хвалите́ Его́ во утвер́жении си́лы Его́.**

Ла́заря уме́рша четверодне́внаго / воскресил еси́ из а́да, Христе́, пре́жде Твоея́ сме́рти, / потря́с сме́ртную держа́ву, / и еди́нем люби́мым, всех челове́к провозвеща́яй из тли свобожде́ние. / Те́мже покланя́ющеся Твое́й всеси́льной вла́сти вопие́м: / благослове́н еси́, Спа́се, поми́луй нас.

**Стих: Хвалите́ Его́ на си́лах Его́, / хвалите́ Его́ по мно́жеству вели́чества Его́.**

Ма́рфа и Мари́я Спа́су глаго́ласте: / а́ще бы zde был еси́ Го́споди, / не бы́ умерл Ла́зарь: / Христос́ же воскресе́ние усо́пших, / сего́ уже́ четверодне́внаго из ме́ртвых воскреси́. / Приидите́ вси ве́рнии, / Сему́ поклонимся́ гряду́щему во сла́ве, / спасти́ ду́ши наша́.

**Стих: Хвалите́ Его́ во гла́се тру́бнем, / хвалите́ Его́ во псалти́ри и гу́слех.**

Боже́ства Твоего́, Христе́, подава́я учени́ком Твои́м о́браз, / в наро́дех смиря́л еси́ Себе́, утайтися́ хотя́. / Те́мже апо́столом яко́ проведец Бог, / Ла́зареву сме́рть предрёкл еси́. / В Вифа́нии же прису́тствуяй лю́дем, / дру́га Твоего́ грóба не неве́дый, / уве́дети вопроша́л еси́ яко́ Челове́к. / Но Тобо́ю четверодне́вен воскресый, / Боже́ственную Твою́ держа́ву яви́, / всеси́льне Го́споди, сла́ва Тебе́.

**Глас 4. Стих: Хвалите́ Его́ в тимпа́не и ли́це, / хвалите́ Его́ во стру́нах и орга́не.**

Четверодне́вна воздви́гл еси́ дру́га Твоего́, Христе́, / и Ма́рфино и Мари́ино рыда́ние утолил еси́, / показу́я всем, яко́ Ты еси́ вся соверша́яй Боже́ственною си́лою, / самовла́стным хоте́нием. / Ему́же херувими́ вопию́т непреста́нно: / осанна́ в вы́шних, / благослове́н еси́ над все́ми, Бо́же, сла́ва Тебе́.

**Стих: Хвалите́ Его́ в кимва́лех доброглас́ных, хвалите́ Его́ в кимва́лех восклицáния. / Вся́кое дыха́ние да хва́лит Го́спода.**

Ма́рфа Мари́и вопия́ше: / Учи́тель предстои́т, и глаша́ет тя, приступи́. / Она́ же ско́ро пришёдши, иде́же бе стоя́ Го́сподь, / и ви́девши возопи́, па́дши поклонис́я, / пречи́стей но́зе Твои́ облобыза́ющи, глаго́лаше: / Го́споди, а́ще бы еси́ zde был, / не бы́ убо́ умерл брат наш.

**Глас 8. Стих:** Воскресни́, Го́споди Бо́же мой, да вознесётся рука́ Твоя́,  
/ не забуди убо́гих Твои́х до конца́.

Ла́заря умерша в Вифа́нии, / воздвигл еси́ четверодне́вна: / то́кмо бо престал еси́ гробу́, / глас живо́т умершему бысть, / и воздохну́в ад отреши́ страхом. / Ве́лие чу́до, многомилостиве / Го́споди, сла́ва Тебе́.

**Стих:** Испове́мся Тебе́, Го́споди, всем се́рдцем мо́им, / пове́м вся чудеса́ Твоя́.

Я́коже рекл еси́, Го́споди, Ма́рфе: / Аз есмь Воскресе́ние, / де́лом сло́во испо́лнил еси́, / из а́да воззва́в Ла́заря. / И мене́, Человеколю́бче, ме́ртва страстьми́, / я́ко сострада́телен воскреси́, молю́ся.

**Слава, глас 2:** Ве́лие и пресла́вное чу́до соверши́ся днесь, / я́ко мертвеца́ четверодне́внаго, / из гроба́ Христо́с возгласи́в воздвиге́ и дру́га призва́, / славосло́вим Его́, я́ко пресла́вна, / да моли́твами пра́веднаго Ла́заря / спасе́т ду́ши на́ша.

**И ны́не:** Преблагослове́на еси́, Богоро́дице Де́во, / Вопло́щшим бо ся из Тебе́ ад плени́ся, / Ада́м воззва́ся, / кля́тва потреби́ся, / Е́ва свободи́ся, / смерть умертви́ся, и мы оживо́м. / Тем воспева́юще вопие́м: / благослове́н Христо́с Бог, / благоволи́вый та́ко, сла́ва Тебе́.

#### **Славословие великое.**

**Лик:** Сла́ва в вы́шних Бо́гу, и на земли́ мир, в челове́цех благоволе́ние. Хва́лим Тя, благосло́вим Тя, кла́няем Ти ся, славосло́вим Тя, благодарим́ Тя вели́кия ради́ сла́вы Твоея́. Го́споди, Царю́ Небе́сный, Бо́же, О́тче Вседержите́лю, Го́споди Сы́не Единоро́дный, Иису́се Христе́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, взема́й грех ми́ра, поми́луй нас. Взема́й грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христо́с, в сла́ву Бо́га Отца́, ами́нь.

На всяк день благословлю́ Тя и восхваля́ю и́мя Твое́ во ве́ки, и в век ве́ка. Сподо́би, Го́споди, в день сей без греха́ сохра́ниться нам. Благослове́н еси́, Го́споди Бо́же отец на́ших, и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя.

Благослове́н еси́, Го́споди, научи́ мя оправда́нием Твои́м. **Трижды.**

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́.

Господи, к Тебе прибегах, научи мя творить волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Святый Боже, Святый Крепкий, Святый Безсмертный, помилуй нас.  
Трижды.

Слава Отцу и Сыну и Святому Духу, и ныне и присно и во веки веков, аминь. Святый Безсмертный, помилуй нас.

Таже высочайшим гласом: Святый Боже, Святый Крепкий, Святый Безсмертный, помилуй нас.

### Тропарь празднику, глас 1:

Общее воскресение / прежде Твоей Страсти уверяя, / из мертвых воздвигл еси Лазаря, Христэ Боже. / Темже и мы, яко отроцы победы знамения носяще, / Тебе победителю смерти вопием: / осанна в вышних, / благословен Грядый во имя Господне.

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Слава, и ныне:

Господи, помилуй. Трижды. Благослови.

### Отпуст

Христос, истинный Бог наш, молитвами Пречистой Своей Матере, святых славных и всехвальных Апостол, святого праведного Лазаря, святого праведного Иоанна Кронштадского, святых и праведных богоотцев Иоакима и Анны, и всех святых, помилует и спасет нас, яко Благ и Человеколюбец.